



11. august 2016

DEMOKRAATIT
DEMOKRATERNE

UKA 2016/58

Inatsisartut suleriaasianni § 33 naapertorlugu Inatsisartut aalajangiiffigisassaattut siunnersuut imaattoq matumuuna saqqummiuppara:

Aalajangiiffigisassatut siunnersuut, Naalakkersuisut misissuinissamut suliakkerneqarnissaat, saqqummiutissallugu innuttaasut aningasaataannut qanoq sunniuteqartigissanersoq suliaritittussat utaqqisarnerisa annikilliseriaqqinnissaanut suliniut. Misissuineq paassisutissiisaaq suut periarfissaanersut utaqqisut ikilisinnissaannut aammalu aningaasartutissat suussanersut. Misissuineq siunnersuutinik imaqassaaq.

(Inatsisartunut ilaasortaq Justus Hansen, Demokraatit)

Tunngavilersuut

Innutaasut sulisut, akleraartut inuiaqtigiillu napparsimasunut ikuunnissaannut isumannaarinnittut. Tamannali aallaavigigaluarlugu eqqarsaatiginangitsuunngilaq innutaasut suliniartut kisiannili assersuutigalugu seeqquminnik ajutoorsimallutik angerlarsimaannartariaqartut suleqataanissaminullu periarfissaqarnatik. Amerlasuitigut sulileqqinnissamut piffissaq ingerlanera kigaatsumik pilertarpoq suliaritinnissamut utaqqineq allatigullu peqqinnissaqarfimmut utaqqineq sivisuallaarujuussuarnera pissutaalluni.

Isumat akerleriinneri arlalitsigut kinguneqartarput. Siullertigut suliffeqarfeqarpoq sulisussanik amigaatilik. Aappaatigut innutaasoq sulisinnaalluartoq pisortanit pisartagalerluni inuuvoq, naak suliffini paarilluarusussinnaagaluarlugu. Pingajuattut, inuiaat akleraarnikkut aningaasat isertitassaagaluit annasarpaat saniatigullu sulisinnaalluarluartoq ikiorserneqarnissaa aningaasalersugarissallugu.

Tamanna inisisimaffik namminerisaminik ingerlasinnaanngilaq nunarput nukinik tamarmik atorfissaqartikkai.

Naalakkersuisut ajornartorsiut tamanna eqqummaariffigigaat uani aningasaqarnikkut ingerlatsineq pillugu nalunaarut 2015:

2009-milli suliaritinnissamut utaqqisuniittut ikilisarneqartorujussuusimapput, taamatullu aamma tamatumunnga immikkut aningasanik immikkoortsisoqarsimalluni. Sivisuumik utaqqinerit anniaammik ajornerulersitsissapput, nappaat katsorsartariaanerulissalluni ajorneruppalluunniit katsorsarneqarsinnaajunnaarsinnaalluni. Nappaatit ilaatigut napparsimasunut ajoqqusiisinnaakajuttarput. Tamatuma kinguneraa napparsimasup utaqqinerup nalaani sulisinnaannginnera ilinniagaqarsinnaanngineraluunniit. Taamaalilluni utaqqisuniittunik ikilisaanissamut aningasaliinikkut napparsimasut pineqartut inuunerat pitsangorsarneqaannarani aammali napparsimasut suliffiit ilinniagaqartulluunniit amerlanerulermerisigut Nunatta Karsianut sipaaruteqartoqassaaq. Innuttaasup utaqqisuniilernerata kinguninngua suliarinnitoqarpat tamatuma kingunerissavaa napparsimasup nappaataa ajorseriannginnissaa napparsimasullu pilertornerusumik suliffimminut utersinnaanissaa.

Ukiut ingerlanerini tapiissutinik tunisisoqartarput utaqqisut ikilinissaat siunertaralugu. Ukiuni 2012-2015 ukiumut tapiissutit 12 mio. koruunit annertussuseqarsimapput. 2016-miit tapiissutit



ataavartussat 9 mio. koruuninik annertussusilerneqarsimapput, DIH-ip pilaasarfianut. Tapiissutit utaqgisut ikilisinnissaannut siunertaqarput.

Taamaasilluni utaqgisut ikilisinnissaannut tapiissutit 25%-mik ikileriarsimapput. Uku tunngavilersuutaalluarsinnaapput: ukuni makkunani pisariaqavissumik naliginnaasumiik pingaarnersiuineq atuuppoq. Kisiannili sipaarniarnerit inuaat aningaasaqarneranut kingunerluutaaginnaratarsinnaapput.

Apeqquaaginnassaarli nalunnginneripput inuaat aningaasaqarnerannut qanoq kinguneqartigissanersoq suliaritinnissaminnut utaqgisut aallaavigalugit. Qanoq annertutigisumik aningaasaliinikkut utaqqineq annikillisarnissaanut suliniuteqartoqarsinnaava, aammalu suliariteriaatsit allat atorlugit utaqgisut annikillisinnerisigut inuaat aningaasaataannut iluanaarutaasinnaasunik peqarnerluni?

Tamanna eqqartortillugu aamma pisariaqassaaq periarfissat ssut atuunnersut utaqgisut annikillisarnissaannut aammalu aningaasartuutit qanoq annertutiginissaannut.

Aaqqiissutaasinnaanerluni qallunaat napparsimaveqarfianiit (ilallugit) eqimattanik pilaasussanik angalatitsisoqartalerpat? Tamannalu aamma apeqqusiissaq ilumut napparsimaveqarfitsinni siniffit inissarlu naammassanersut. Aaqqiissutaasinnaanerlunittaaq nunatta avataanut namminersorlutik napparsimaveqarfiiilinnut innersuuttalernissaat, pisortanit aningaasalerlugit? Suna periarfissaava – sunalu akilersinnaanerua?

Aningaasatigut allaffissornikkullu pisortanut kingunissaat

Misissuinermut aningaasartuutissat naatsorsuutigineqassapput. Naatsorsuutaanngilarli aningaasartuutit akademiskit nalingattut ukiumoortumik akeqassasoq. Avataaniit ikiorserneqarani aningaasat 500.000 – 1.000.000 kr. missaaniissangatinneqarput. Aningaasat tamatumani peqqinnissaqarfiup naalakkersuisoqarfiata aningaasaataannit nanineqassapput.

Aningaasatigut allaffissornikkullu namminersorlutik inuussutissarsiortunut kingunissaat

Misissuinermut atatillugu soqanngilaq.

Aningaasatigut allaffissornikkullu innuttaasunut kingunissaat

Misissuinermut atatillugu soqanngilaq

Taamatut oqarlunga Naalakkersuisunit akissuteqaat aammalu partiinit allanit oqaaseqaatissat qilanaaraakka.



ILANNGUSSAQ

Immikkoortunut sularitittussat utaqqisut allattorsimaffii

(sularitittussat utaqqisut = sularitittussat ullulerlugit sularineqarnissaminut misissorneqarnissaminulluunniit innersuunneqarsimasut)

	Sept. 2011	Sept. 2012	Sept. 2013	April 2014	Jan. 2015
Seeqquunik siffissanillu pilattaanerit	309	156	227	247	288
Saanermik pilattaanerit	169	58	125	119	93
Timip ipiutaasartaanik pilattaanerit	393	388	366	337	373
Pinnersaalluni pilattaanerit	21	11	22	16	22
Arnat nappaataannik katsorsaanerit	120	137	172	138	176
Isitigut ajoqqutit	565	457	272	440	360
Siutikkut, qingakkut qungatsikkullu ajoqutit	404	259	272	278	276
Katillugit	1.981	1.466	1.456	1.575	1.588

Najooqputaq: Aningasaqarnikkut ingerlatsineq pillugu nalunaarut 2015



Agguaqatigiissillugit sapaatip akunneranut utaqqinerit

	2009	2010	2011	2012	April 2013	Jan. 2014
Seeqqunik siffissanillu pilattaanerit	90	146	131	128	88	71
Saanermik pilattaanerit	65	68	72	99	50	52
Timip ipiutaasartaanik pilattaanerit	43	50	50	47	38	43
Pinnersaalluni pilattaanerit	67	91	81	74	44	32
Arnat nappaataannik katsorsaanerit	25	29	24	21	19	18
Isitigut ajoqqutit	62	64	68	80	87	66
Siutikkut, qingakkut qungatsikkullu ajoqutit	116	119	92	72	54	55

Najoqqutaq: § 37-akissuteqaat nr. 2015/146